

समे — 12:25

<><><><><><>

CM Tourism

मुख्यमंत्री उमर अब्दुल्ला होरें आखेआ ऐ जे सैलानिएं गी कश्मीर च परती-परतियै औने लेई एह जरूरी ऐ जे उनें हर गी हर बारी किश नमां ते तरोताजा करने लेई थोए। एहदे च साहसिक सैलसफा महत्व आली भूमका नभाई सकदा ऐ। ओह् श्रीनगर च बिजली दी बंड सरबंधी केपीडीसीएल दे एमडी महमूद ए.शा हुंद आस्सेआ लिखी दी कताब वैली ऑफ जम्मू कश्मीर A tribute to the soul of Jammu & Kashmir दा विमोचन करा'रदे हे। इलाके दे एतिहासक रस्ते दे संरक्षण ते बढ़ावा देने दा आह्वान करदे होई उनें आखेआ जे एह रस्ते छड़ा जम्मू गी कश्मीर ते कश्मीर गी लद्दाख कन्ने जोड़ने आले रस्ते नेई सगुआं एह रिवायती ते निरंतर सैलसफा दे सांस्कृतिक रस्ते बी हैन।

<><><><><><>

CM-Rabita

मुख्यमंत्री उमर अब्दुल्ला होरें लोके तगर पुज्ज बनाने सरबंधी कार्यक्रम राबाता तैहत केई सारे प्रतिनिधिमंडलें कन्ने मलाटी कीती। करिंगल दे चीफ एक्जीक्यूटिव कौंसलर डॉ. एम.जे.अखनून हुंदी अगुवाई च इक प्रतिनिधिमंडल नै मुख्यमंत्री हुंदे कन्ने मलाटी कीती ते जम्मू कश्मीर दी बक्ख-बक्ख थाहरें पढ़ा'रदे विद्यार्थिएं गी दरपेश मुश्कलें परेशानिएं कन्ने उनेंगी अवगत करोआया। बाबा गुलाम शा बादशाह यूनिवर्सिटी राजौरी दे वाइस चांदसलर प्रो. जावेद इकबाल होरें गी मुख्यमंत्री हुंदे कन्ने मलाटी कीती ते यूनिवर्सिटी दे कम्मकाज बारे दस्सेआ। एनसीसी श्रीनगर थमां ब्रिगेडियर दीपक साजन हार होरें बी उंदे कन्ने मलाटी कीती ते इक ममेंटो उनेंगी भेंट कीता। मगरा ट्रैवल एजेंट्स एसोसिएशन ऑफ इंडिया दे चेप्टर दे चेयरमैन होरें बी मुख्यमंत्री हुंदे कन्ने मलाटी कीती।

<><><><><><>

GOC –Fwd

व्हाइट नाईट कोर दे जीओसी लैफ्टिनेंट जनरल पी.के.मिश्रा होरें केन्द्र शासत प्रदेशें दे केई सारी अगेत्री इकाइएं दा दौरा लाया। इस दरान उनें कारवाइएं तैआरिएं ते मौसम स्थिति दा जायजा लैता। आकाशवाणी जम्मू संवाददाता दी रिपोर्ट मूजब जीओसी हुंदे कन्ने एस ऑफ स्पेड्स, जीओसी ते क्रास्ट स्वार्ड्स डिवीजन दे जीओसी होर बी मजूद हे। इस दरान उनें उत्थें तैनात बलें कन्ने गल्लबात कीती ते पैदा होई सकने आली कुसै बी चुनौती कन्ने निबड़ने लेई तैआर रौहने लेई आखेआ।

<><><><><><>

Accdent Doda

डोडा जिले च पेश आए दे इक शिड़क हादसे च 5एं लोकें दी मौत होई गई ते 19 लोक जखमी होई गे न। एह हादसा उसलै पेश आया जिसलै इक गड्डी जेहदे च 24 लोक सोआर हे शिड़क थमां रूलकियै हेठ डूंहगी खड्डे च जाई पेई। मकामी पुलस ते स्वयं ठेवके आस्सेआ फौरी तौर पर राहत ते बचाह अभियान चलाया गेआ। केन्द्रीय राज्य मंत्री डॉ. जितेन्द्र सिंह होरें बी इस हादसे पर दुख ते बसोस प्रगट कीता। उनें

डोडा दे डिप्टी कमीशनर हरविंदर सिंह हुंदे कन्नै गल्ल कीती। जेहड़े राहत ते बचाह कम्मं पर तक्क रखा'रदे न। हादसे दे कारण दा पता लाने लेई तांच शुरु कीती गई ऐ।

<><><><><><>

Rana Tribals

जनजातीय मामले दे मंत्री जावदे अहमद राणा होरें बक्ख-बक्ख मैह्कमे दे सचिवें गी आखेआ ऐ जे ओह जनजातीय इलाकें च महत्वै आले ढांचागत प्रोजेक्टें दी अमलावरी आस्तै कारगर ते बेह्तर ढंगै सिर राबता कायम करन तां जे सारे कम्म तेजिया कन्नै होइ सकन। श्रीनगर आले सिविल सचिवालय च लग्गी दी मैह्कमे दी बैठक चजनजातीय समुदाय दे सशक्तिकरण लेई जतनें बारे जायजा लैता गेआ। मंत्री होरें आखेआ जे पिछड़े दे वर्ग ते दबोए लतड़ोए दे समुदाय गी उबड़ा चुकना साढ़ी सारें गी सांझी जिम्मेदारी ऐ। बैठक दा मकसद जनजातीय समुदाय दे कल्याण सरबंधी जतनें गी तेज रफ्तार कन्नै अमल च आनना ते चला'रदी सरबंधी परियोजना दा जायजा लैता हा। राणा होरें जोर देइयै आखेआ जे उमर अब्दुल्ला हुंदी अगुवाई आली सरकार विकास समाजी न्याह् खास करी जनजातीय आबादी दे पूरे पराते विकास लेई वचनबद्ध ऐ।

<><><><><><>

CS-ABDM

मुख्य सचिव अटल डुल्लू होरें श्रीनगर च इक बैठक लाइयै आयुष्मान भारत डिजीटल मिशन दी अमलावरी दा जायजा लैता। इस दरान मुख्य करी ध्यान सेहत सरबंधी दिक्कभाल आले आंकड़े ते डिजीटल सेवाएं पर दित्ता गेआ। इस भेठा चला'रदे जतनें दा जायजा लेंदे होई मुख्य सचिव होरें मरीजें दे सेहत सरबंधी रिकार्ड आयुष्मान भारत सेहत खाता यानि आभा आईडी कन्नै जोड़ने लेई आखेआ। उनें आखेआ जे एह कम्म बिजन होर चिर लग्गे दे तौले पूरा कीता जाना लोड़चदा। उनें सेहत, एबीडीएम ते एचएमआईएस पोर्टल गी आपूं चै जोड़ने लेई आखेआ।

<><><><><><>

CS-ONDC

डिजीटल एकीकरण राएं लौह्के बपारिएं दी प्रगति गी होर बधाने लेई मुख्य सचिव अटल डुल्लू होरें कल श्रीनगर च ओपन नैटवर्क फॉर डिजीटल कामर्स ओएनडीसी दे मुख्य कार्यकारी अधिकारी कन्नै इक उच्च स्तरीय बैठक लाई तां जे जम्मू कश्मीर च ई-कामर्स गी बढ़ावा देने लेई ओएनडीसी मंच दा फायदा चुकंदे होई नमें मौके तलाश कीते जाई सकन। गल्लबात दरान मुख्य सचिव होरें मकामी अर्थबवस्था गी तगड़ा करने ते रोजगार कमाने दे नमें मौके बनाने च डिजीटल मंच दी बड़ी मती संभावना पर जोर दित्ता।

<><><><><><>

Amarnath Yatra

जम्मू दे भगवती नगर आले आधार शिविर थमां 6 ज्हार 388 श्रद्धालुएं दा 14मां जत्था सख्म सुरक्षा बंदोबस्तें हेठ श्री अमरनाथ जी दी यात्रा लेई घाटी आस्तै रवाना होआ। एह जत्था 248 गड्डिएं दे काफले च सोआर होइयै अगड़ी यात्रा लेई रवाना होआ। ठर ज्तझै च 4 ज्हार 886 मर्द, 1 ज्हार 308 महिला, 15 बच्चे, 158

साधु ते 21 साध्वियां शामिल न। अज्ज रवाना होए दे जत्थे गी 2 जहार 501 श्रद्धालु बालटाल लेई ते 3 जहार 887 पहलगाम लेई रवाना होए। जित्थुआं ओह् अपनी अगड़ी यात्रा लेई रवाना होंगन।

<><><><><><>

Kavinder

केन्द्र शासत प्रदेश लद्दाख दे उपराज्पाल दे तौर पर नियुक्त होने लेई बीजेपी नेता ते साबका उपमुख्यमंत्री कविन्द्र गुप्ता होरें गी पार्टी आस्सेआ सम्मानत कीता गेआ। आकाशवाणी जम्मू संवाददाता दी रिपोर्ट मूजब जम्मू कश्मीर बीजेपी अध्यक्ष सत्त शर्मा, पार्टी दे विधायकें ते वरिष्ठ नेता कविन्द्र गुप्ता होरें गी उंदी नमीं जिम्मेदारी लेई शुभकामनां दित्तियां।

<><><><><><>

Read by	Shruti Khajuria
Composed	Mukesh Gupta
Editor	Kunal Shrivatsa
Skilled	Rajat